

Жулайибни кўрмаяпман



10:49 / 30 май 3226

Жулайиб розияллоҳу анҳу бадбашара, пакана ва камбағал киши эди. Бундай нуқсонларга эга йигитни қайси аёл яхши кўради. Ақалли бойлиги бўлганида ҳам бадбашаралигини бироз яширган бўлар эди.

Жулайибининг бор бойлиги Расулуллоҳ соллаллоҳу алайҳи васалламнинг уни яхши кўришлари эди. Зеро бунга соҳиб бўлган кишига бошқа неъматларнинг йўқлиги зарар берамайди. Киши севгани билан биргадир!

Расулуллоҳ соллоллоҳу алайҳи васаллам Жулайибни уйлантирмоқчи бўлдилар. Ансорлардан бирига дедилар:

- Мен сенинг қизингга совчи бўлдим.

Анзорий:

- Бош устига, - деди.

Расулуллоҳ соллаллоҳу алайҳи васаллам:

- Ўзимга эмас бошқага, дедилар.

Анзорий :

- Кимга?- деб сўради.

Расулуллоҳ соллаллоҳу алайҳи васаллам:

- Жулайбиба, дедилар.

Ансорий:

- Онаси билан маслаҳат қилишим лозим, деди.

Ансорий уйига бориб хотини билан маслаҳат қилди. Хотини:

- Қизимни Жулайбиба бермаймиз, деди. Шунда буни эшитиб турган қизи деди:

- Ким совчи бўлди?

Отаси:

- Расууллоҳ соллаллоҳу алайҳи васаллам ,деди.

Қиз:

- Расууллоҳ соллаллоҳу алайҳи васалламнинг амрларини тарқ қиласизларми? Мен қабул қилдим. Аллоҳ мени зое қилмайди, деди.

Никоҳ ўқилди. Кўп ўтмай жиҳодга чақирав бўлди. Расууллоҳ соллаллоҳу алайҳи васалламнинг жанг тугагандан сўнг «кимларни йўқотдингиз?» – деб сўрайдиган одатлари бор эди. Одатга кўра саҳобалардан сўрадилар:

- Йўқотишлар борми?

Саҳобалар:

- Йўқ!-дейишиди.

Расууллоҳ соллаллоҳу алайҳи васаллам:

- Мен Жулайбиби кўрмаяпман, уни қатл қилинганлар орасидан қидириб кўринглар, дедилар.

Саҳобалар уни бир жойдан топишиди. У етти кишини ўлдирибди. Сўнгра уни ўлдиришибди.

Саҳобалар:

- Мана у, эй Аллоҳнинг расули!- дейишиди.

Расууллоҳ соллаллоҳу алайҳи васаллам унинг олдига келдилар. Боши тепасида туриб дедилар:

- У етти кишини ўлдирди. Сўнг уни ўлдиришди. У мендан, мен унданман. У мендан, мен унданман, мен унданман.

Сўнгра қабр ковлангунича уни қучоқларига олиб турдилар. Сўнг уни қабрга қўйдилар.

Қиз гарчи ўз ҳавои нафсига қарши чиқиб бўлса-да, Расууллоҳ соллаллоҳу алайҳи васалламнинг амрларига бўйсунди. Бу дегани, қизлар турмушга чиқадиган йигитлари чиройли бўлишини шарт қилишга ҳаққи йўқ дегани эмас.

Ҳазрати Умар розияллоҳу анху айтар эдилар:

«Қизларингизни бадбашара инсонга турмушга чиқишга мажбурламанглар. Улар ҳам сиз яхши кўрганингиз каби яхши кўришади».

Бунда одобсизлик ҳам, диёнатсизлик ҳам йўқ.

Қолаверса, амрларига қарши чиқмагани учун Расууллоҳ соллаллоҳу алайҳи васаллам унинг ҳаққига дуо ҳам қилдилар:

«Аллоҳим! Унинг устига яхшиликларни ёғдиргин. Унга мashaқатли ҳаёт бермагин!».

Дарҳақиқат, у қиз Жулайшиб шаҳид бўлганидан кейин бойиб кетди.

Ота-онанинг ҳам қизларига илм ва вазифа жиҳатидан афзалроқ куёв танлашга ҳақлари бор.

Тўғри, аввало биз диндорини танлашга даъват қилинганмиз. Аммо барча яхши сифатлар жамланса нур устига аъло нур бўлади. Агар қизнинг ота-онаси қизларини Жулайшибга беришга кўнишмаганида Расууллоҳ соллаллоҳу алайҳи васаллам уларни мажбурламас эдилар. Улардан ғазабланмас эдилар. Ҳар бир оиланинг ўз меъёри бор. Кишиларнинг меъёри эҳтиром қилиниши лозим.

Шакл, гўзаллик ва молнинг мутлақ аҳамияти йўқ демаймиз. Аммо булар инсонлар ўртасида афзалликни аниқлайдиган мезон қилиб олиниши хотўғри.

Дунё сифатлари или боғланишни қабул қилмаслигимиз бошқа нарса, инсонларни таҳқирлаш эса бошқа нарсадир.

Бу худди фарзандингизни кўча тозаловчи бўлишини эмас, олим бўлишини исташингизга ўхшайди. Бу эса сиз томондан кўча тозаловчини таҳқирлаш эмас албатта.

«Набавий тарбия» китоби асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2023 йил 7 мартағи 03-07/1506-рақамли ва 2023 йил 24 мартағи 01-07/1959-рақамли хulosалари асосида тайёрланган.